





一日没

南無釋迦牟尼佛等一

切三寶我今稽首禮迴

願往生無量壽國

南無十方三世盡虛空

遍法界微塵刹土中一

切三寶我今稽首禮迴

願往生無量壽國

南無西方極樂世界



阿彌陀佛

願共衆生成歸命

故我頂礼生彼國

無量光佛 無邊光佛

無礙光佛 無對光佛

炎王光佛 清淨光佛

歡喜光佛 智慧光佛

不斷光佛 難思光佛

無稱光佛 超日月光佛

南無西方極樂世界

阿彌陀佛

哀愍覆護我 今法種增長

此世及後生 願佛常攝受

願共衆生成歸命

故我頂礼生彼國

觀世音菩薩

大勢至菩薩

諸菩薩清淨大海衆

普為師僧父母及善知識法界眾生斷除三障同得往生阿彌陀佛國歸命懺悔▲至心懺悔南無懺悔十方佛願滅一切諸罪根今將及近所修善迴作自他安樂因恒願一切臨終時

勝緣勝境悉現前願觀彌陀大悲主觀音勢至十方尊仰願神光蒙授手乘佛本願生彼國懺悔迴向發願已至心歸命阿彌陀佛禮懺諸功德願臨命終時見無量壽佛無邊功德身

我及餘信者 既見彼佛已

願得離垢眼 往生安樂國

成無上菩提

禮懺已一切恭敬

歸佛得菩提道心恒不

退願共諸衆生迴願往

生無量壽國

歸法薩婆昔得大惣持

門願共諸衆生迴願往

生無量壽國

歸僧息諍論同入和合

海願共諸衆生迴願往

生無量壽國

願諸衆生三業清淨奉

持佛教和南一切賢聖

願共諸衆生迴願往生

無量壽國

諸衆等聽說日沒無

常偈

人間念念營眾務

不覺年命日夜去

如燈風中滅難期

忙忙六道無定趣

未得解脫出苦海

云何安然不驚懼

各聞強健有力時

自策自勵求常住

願弟子等臨命終時心

不顛倒心不錯亂心不

失念身心無諸苦痛身

心快樂如入禪定聖眾

現前乘佛本願上品往

生阿彌陀佛國到彼國

已得六神通入十方界

救攝苦眾生虛空法界

盡我願亦如是發願已

至心歸命阿彌陀佛

▲二初夜

彌陀智願海

深廣無涯底

聞名欲往生

皆悉到彼國

於此世界中

六十有七億

不退諸菩薩

皆當得生彼

小行諸菩薩

及修少福者

其數不可計

皆當得生彼

十方佛剎中

菩薩比丘衆

窮劫不可計

皆當得生彼

一切諸菩薩

各賣天妙華

寶香無價衣

供養彌陀佛

咸然奏天樂

暢發和雅音

歌歎最勝尊

供養彌陀佛

慧日照世間

消除生死雲

恭敬遶三匝

稽首彌陀尊

見彼嚴淨土

微妙難思議

因發無上心

願我國亦然

應時無量尊

動容發放笑

口出無數光

遍照十方國

迴光圍遶身

三逆從頂入

一切天人眾

踊躍皆歡喜

梵聲如雷震

八音暢妙響

十方來正王

吾悉知彼願

至彼嚴淨國

便速得神通

必於無量尊

受記成等覺

奉事億如來

飛化遍諸刹

恭敬歡喜去

還到安養國

若人無善本

不得聞佛名

憍慢癡懈怠

難以信此法

宿世見諸佛

則能信此事

謙敬聞奉行

踊躍大歡喜

其有得聞彼

弥陀佛名号

歡喜至一念

皆當得生彼

設滿大千火

直過聞佛名

聞名歡喜讚

皆當得生彼

万年三寶滅

此經住百年

今時聞一念

皆當得生彼

佛世甚難值

人有信慧難

遇聞希有法

此復最為難

自信教人信

難中轉更難

大悲傳普化

真成報佛恩

南無至心歸命禮西方

阿彌陀佛

哀愍覆護我

今法種增長

此世及後生

願佛常攝受

願共諸眾生

往生安樂國

觀世音菩薩

大勢至菩薩

諸菩薩清淨大海眾

無常偈

煩惱深無底

生死海無邊

度苦船未立

女何樂睡眠

勇猛勤精進

攝心常在禪

▲三 中夜

稽首天人取恭敬
阿弥陀仙兩足尊
在彼微妙安樂國
無量佛子衆圍遶
金色身淨如山王
奢摩他行如鳥步
兩目淨若青蓮莖
故我頂礼弥陀尊

面善圓淨如滿月
威光猶如千日月
聲如天鼓俱翅羅
故我頂礼弥陀尊
觀音頂戴冠中任
種種妙相寶莊嚴
能伏外道魔憍慢
故我頂礼弥陀尊
無比無垢廣清淨

衆德皎潔如虛空
所作利益得自在
故我頂礼弥勒尊
十方名聞菩薩衆
無量諸魔常讚歎
爲諸衆生願力住
故我頂礼弥勒尊
金底寶間池生華
善根所成妙臺座

於彼座上如山王
故我頂礼弥勒尊
十方所來諸佛子
顯現神通至安樂
瞻仰尊顏常恭敬
故我頂礼弥勒尊
諸有無常無我等
亦如水月電影露
爲衆說法無名字

故我頂礼弥陀尊
彼尊佛刹無惡名
亦無女人惡道怖
衆人至心敬彼尊
故我頂礼弥陀尊
彼尊無量方便境
無有諸趣惡知識
往生不退至菩提
故我頂礼弥陀尊

我説彼尊功德事
衆善無邊如海水
所獲善根清淨者
迴施衆生生彼國
南無至心歸命礼西方

阿弥陀佛
哀愍覆護我
令法種增長
此世及後生
願佛常攝受
願共諸衆生
往生安樂國

觀世音菩薩

大勢至菩薩

諸菩薩清淨大海眾

普為師儻父母及善

知識法界眾生斷除

三障同得往生阿彌

陀佛國歸命懺悔

至心懺悔

自從無始受身來

恒以十惡加眾生

不孝父母謗三寶

造作五逆不善業

以是眾罪因緣故

妄想顛倒生纏縛

應受無量生死苦

頂禮懺悔願滅除

懺悔已至心歸命

阿彌陀佛

至心勸請

諸佛大慈無上尊

恒以空慧照三界

衆生音冥不覺知

永沒生死大苦海

為拔群生離諸苦

勸請常住轉法輪

勸請已至心歸命

阿彌陀佛

至心隨喜

歷劫已來懷嫉妬

我慢放逸由癡生

恒以瞋恚毒害火

梵燒智慧慈善根

今日思惟始惺悟

發大精進隨喜心

隨喜已至心歸命

阿彌陀佛

●至心迴向

流浪三界內

癡愛入胎獄

生已歸老死

沉沒於苦海

我今修此福

迴生安樂土

迴向已至心

歸命阿彌

陀佛 ▲ 中夜無常偈

汝等勿抱臭屍卧

種種不淨假名人

如得重病箭入體

衆苦痛集安可眠

至心發願

願捨胎藏形

往生安樂國

速見彌陀佛

無邊功德身

奉觀諸如來

賢聖亦復然

獲大神通力

救攝苦衆生

虛空法界盡

我願亦如是

發願已至心歸命阿彌

陀佛 ▲ 四後夜

世尊我一心歸命盡十方

無礙光如來

與佛教相應

觀彼世界相

勝過三界道

究竟如虛空

廣大無邊際

正道大慈悲

出世善根生

淨光明滿足

如鏡日月輪

備諸珍寶性

具足妙莊嚴

無垢光焰熾

明淨曜世間

寶華千萬種

彌覆池流泉

微風動華葉

交錯光亂轉

宮殿諸樓閣

觀十方無礙

雜樹異光色

寶欄遮圍遶

無量寶交絡

羅網遍虛空

種種鈴發響

宣吐妙法音

梵音悟深遠

微妙聞十方

正覺阿彌陀

法王善住持

如來淨華衆

正覺華化生

愛樂佛法味

禪三昧為食

永離心身惱

受樂常無間

大乘善根界

等無護熾名

女人及根缺

二乘種不生

衆生所願樂

一切能滿足

無量大寶王

微妙淨華臺

相好光一尋

色像超群生

天人不動衆

清淨智海生

如須弥山王

勝妙無過者

天人丈夫衆

恭敬遠瞻仰

雨天樂華衣

妙香華供養

安樂國清淨

常轉無垢輪

一念及一時

利益諸群生

讚佛諸功德

無有分別心

能令速滿足

功德大寶海

南無至心歸命禮西方

阿弥陀佛

哀愍覆護我

令法種增長

此世及後生

願佛常攝受

願共諸衆生

往生安樂國

觀世音菩薩

大勢至菩薩

諸菩薩清淨大海衆

後夜無常偈

時光遷流轉

忽至五更初

無常念念至

恒與死王居

勸諸行道者

勤修至無餘

往生禮讚

▲五晨朝

法藏因殊遠

極樂界還深

異珍參作地

衆寶間爲林

華開布有色

波揚實相音

何當蒙授手

一遂往生心

濁世難還入

淨土願逾深

金繩直界道

珠網縵垂林

見色皆真色

聞音悉法音

莫謂西方遠

唯須十念心

已成窮理聖

真有遍空威

在西時現小

但是暫隨機

華珠相映飾

砂水共澄輝

欲得無生果

彼土必須依

五山毫獨朗

寶手印恒分

地水俱為鏡

香華同作雲

業深成易往

因淺實難聞

必望除疑惑

超然獨不群

心帶真慈滿

光含法界團

無緣能攝物

有相定非難

華隨本心變

宮接身自安

稀聞出世境

須夫入禪看

迴向漸為功

西方路稍通

寶幢承塵地

天香入遠風

開華重布水

覆網細分空

願生何意切

正為樂無窮

欲選當生處

西方最可歸

間樹開重閣

滿道布鮮衣

香飯隨心至

寶殿逐身飛

有緣皆得入

正自在又希

十劫道先成

嚴界引群相

金沙徹水照

玉葉滿枝明

鳥本珠中出

人唯華上生

敢請西方聖

早晚定相迎

十方諸佛國

盡是法王家

偏求有緣地

冀得早無邪

八功如意水

七寶自然華

於彼心能係

當必往非賒

淨國無衰變

一立古今然

光臺平寶合

音樂八風宣

池多說法鳥

空階散華天

得生不畏退

隨意既開蓮

坐華非一像

聖衆亦難量

蓮開人獨處

彼生法自揚

無災由處靜

不遇為明良

問彼前生輩

來斯幾劫強

光舒故毗舍

空立引羣提

天來香蓋捧

舍寶衣寶

六時聞鳥合

四時踐華佞

相看無不正

豈復有長迷

普勸弘三福

咸令滅五燒

發心功已至

係念罪便消

鳥華珠光轉

威好樂聲調

但竹行道易

寧愁聖果遙

珠色仍為水

金光即是臺

到時華自散

隨願華還開

遊池更出沒

飛空手往來

真心能向彼

有善俱須迴

洗心甘露水

悅目妙華雲

同生機易識

等壽量難分

樂多無廢道

聲遠不妨聞

如何貪五濁

安然火自焚

臺裏天人現

光中侍者看

懸空四寶閣

臨迴七重欄

疑多邊地父

德少上生難

且莫論餘願

西方已心安

六根常合道

三途永絕名

念頃遊方遍

還時得忍成

地平無極廣

風長是處清

寄言有心輩

共出一菩提

南無至心歸

命礼西方

阿弥陀佛

哀愍覆護我

令法種增長

此世及後生

願佛常攝受

願共諸眾生

往生安樂國

南無至心歸

命礼西方

極樂世界

觀世音菩薩

薩

千輪明足下

五道現光中

悲引恒無絕

人歸亦未窮

口宣猶在定

心靜更飛通

聞名皆願往

日發無量眾

願共諸眾生

往生安樂國

大勢至菩薩

慧力標無上 身光備有緣

動搖諸寶國 侍座一念蓮

鳥群非寶鳥 天樂豈真天

須臾求妙樂 會具戒香全

諸菩薩清淨 淨大海衆

願共諸衆生 往生安樂國

晨朝無常偈

欲求寂滅樂 當學沙門法

衣食支身命 精進隨衆得

諸衆等今日晨朝各誦

六念

敬白十方諸佛十二部

經諸大菩薩一切賢聖

及一切天龍八部法界

衆生現前大衆等證知

我某甲發露懺悔從無始

已來乃至今身無害一

切三寶師僧父母六親

眷屬善知識法界衆生
不可知數偷盜一切三
寶師僧父母六親眷屬
善知識法界衆生物不
可知數於一切三寶師
僧父母六親眷屬善知
識法界衆生上起邪心
不可知數妄語欺誑一
切三寶師僧父母六親

眷屬善知識法界衆生
不可知數綺語調吐一
切三寶師僧父母六親
眷屬善知識法界衆生
不可知數惡口罵辱誹
謗毀咎一切三寶師僧
父母六親眷屬善知識
法界衆生不可知數兩
舌聞亂破壞一切三寶

師僧父母六親眷屬善
知識法界衆生不可知
數或破五戒八戒十戒
十善成二百五十戒五
百戒菩薩二聚戒十無
盡戒乃至一切戒及一
切威儀戒等自作教他
見作隨喜不可知數如
是等衆罪亦如十方大

地無邊微塵無數我等
作罪亦復無數虛空無
邊我等作罪亦復無邊
方便無邊我等作罪亦
復無邊法性無邊我等
作罪亦復無邊法界無
邊我等作罪亦復無邊
衆生無邊我等劫奪殺
害亦復無邊三寶無邊

我等侵損劫奪殺害亦
復無邊戒品無邊我等
毀犯亦復無邊如是等
罪上至諸菩薩下至聲
聞緣覺所不能知唯佛
與佛乃能知我罪之多
少今於三寶前法界衆
生前發露懺悔不敢覆
藏唯願十方三寶法界

衆生受我懺悔憶我清
淨始從今日願共法界
衆生捨邪歸正發菩提
心慈心相向佛眼相看
菩提眷屬作真善知識
同生阿彌陀國乃至
成佛如是等罪永斷相
續更不敢作懺悔已至
心歸命阿彌陀佛

六日中

南無至心歸命禮

西方阿彌陀佛

觀彼彌陀極樂界

廣大寬平衆寶成

四十八願莊嚴起

超諸佛刹最為精

本國他方大海衆

窮劫算數不知不

普勸歸西同彼會

恒沙三昧自然成

願茲諸衆生生安樂國

地下莊嚴七寶幢

無量無邊無數億

八方八面百寶成

見彼無生自然悟

無生寶國永為常

一一寶流無數光

行者側心常對目
騰神踴躍入西方
地上在巖轉無極
金繩界道非工匠
弥陀願智巧在巖
菩薩人天散華上
寶地寶色寶光飛
一一光成無數臺
臺中寶樓千万億

臺側百億寶幢圍

一一臺上虛空中
在巖寶樂亦無窮
八種清風尋光出
隨時鼓樂應機音
機音正受稍為難
行住坐卧攝心觀
唯除睡時常憶念
三昧無為即涅槃

寶國寶林諸寶樹
寶華寶葉寶根莖
或以千寶分林異
或有百寶共成行
行行相當葉相次
色各不同光亦然
等量齊高三十方
枝條相觸說無生
七重羅網七重宮

綺平迴光相映發
化天童子皆充滿
瓔珞輝光超日月
行行寶葉色千般
華敷等若旋金輪
菓變光成眾寶蓋
塵沙佛刹現無邊
寶池寶岸寶金沙
寶渠寶葉寶蓮華

十二由旬皆正等
寶羅寶網寶欄迺
德水分流尋寶樹
聞波觀樂證恬怕
寄言有緣同行者
努力翻迷還本家
一一金繩界道上
寶樂寶樓千万億
諸天童子散香華

他方菩薩如雲集
無量無邊無能計
稽首弥陀恭敬立
風鈴樹響遍虛空
歎說三尊無有極
弥陀本願華玉座
一切衆寶以為成
臺上四幢張寶纒
弥陀獨坐顯真形

真形光明遍法界
蒙光觸者心不退
晝夜六時專想念
終時快樂如三昧
弥隨身心遍法界
影現衆生心想中
是故勸汝常觀察
依心起想表真容
真容寶像臨華座

心開見彼國莊嚴
寶樹三尊華遍滿
風鈴樂響與文同
弥隨身色如金山
相好光明照十方
唯有念佛蒙光攝
當知本願最爲強
十方如來舒舌證
真稱名号至西方

到彼華閩闍妙法
十地願行自然彰
觀音菩薩大慈悲
已得菩提捨不證
一切五道內身中
六時觀察三輪應
應現身光紫金色
相好威儀轉無極
恒舒百億光玉手

普攝有緣歸本國
勢至菩薩難思議
威光普照無邊際
有緣衆生蒙光觸
增長智慧超三界
法界傾搖如轉蓬
化佛雲集滿虛空
普勸有緣常憶念
永絕胞胎證六通

正坐跏趺入三昧
想心乘念至西方
觀見弥陀極樂界
地上虛空七寶莊
彌隨身量極無邊
重勸衆生觀小身
丈六八尺隨機現
圓光化佛等前真
上輩上行上根人

求生淨土斷貪真
就行差別分三
五門相續助三因
一日七日專精進
畢命乘臺出六塵
慶哉難逢今得遇
永證無爲法性身
中輩中行中根人
一日齋戒處金蓮

孝養父母教迴向
爲說西方快樂因
佛與聲聞衆來取
直到弥陀華座邊
百寶華籠經七日
三品蓮開證小真
下輩下行下根人
十惡五逆等貪瞋
四重偷僧謗正法

未曾慚愧悔前愆
終時苦相如雲集
地獄猛火罪人前
忽遇往生善知識
急勸專稱彼佛名
化佛菩薩尋聲到
一念傾心入寶蓮
三華障重開多劫
于時始發菩提因

西方極樂難思議
渴聞般若絕思漿
念食無生即斷飢
一切莊嚴皆說法
無心領納自然知
七覺華池隨意入
八背疑神會一枝
無量菩薩為同學
性海如來盡是師

彌陀心水沐身頂
觀音勢至與衣被
欵尔騰空遊法界
須臾投記号無為
如此逍遙無極處
吾今不去待何時
南無至心歸命礼西方

阿弥陀佛

哀愍覆護我
令法種增長

此世及後生

願佛常攝受

南無至心歸命禮西方

極樂世界

觀音勢至

諸菩薩清淨大海衆

願共諸衆生

往生安樂國

日中無常偈

人生不精進

喻若樹無根

採華置日中


能得幾時鮮

人命亦如是

無常須臾間

勸諸行道衆勤修乃至真

六時禮讚



慶安三年仲夏日

村上平末寺刊行



